



Trg pravde 10, 76100 Brčko distrikt Bosne i Hercegovine; web: jt-brckodistriktbih.pravosudje.ba; tel: 049/217-227; faks: 049/219-088; e-pošta: jtb@jtb.ba
Трг правде 10, 76100 Брчко дистрикт Босне и Херцеговине; web: jt-brckodistriktbih.pravosudje.ba; тел: 049/217-227; факс: 049/219-088; е-пошта: jtb@jtb.ba

Broj: T 18 0 КТРО 0014074 21

Datum 07.10. 2021. godine

Na osnovu člana 35. stav (2) tačka i) i člana 226. stav (1) Zakona o krivičnom postupku Brčko distrikta BiH, podižem:

OPTUŽNICU

Protiv:

JAŠAREVIĆ ALMIRA ... rođene 07.06.1985. godine

Što je:

U periodu od 18.11.2018.godine pa do 03.11.2019.godine radeći kao poslovođa sektora maloprodaje u prodavnici broj 330 preduzeća „Konzum“ d.o.o. Sarajevo koja se nalazila u Brčkom u ulici 8-marta broj 1. kršenjem Pravilnika o sistematizaciji radnih mjesta grubo zanemarila svoju dužnost i obavezu da upravlja procesom ulaza i izlaza robe u prodavnici, te da tačno i ažurno kompletira knjigovodstvenu dokumentaciju, pa su tako zbog toga što je propustila da vrši nadzor nad radom svih zaposlenih u prodavnici iako je znala da je shodno navedenom internom aktu odgovorna za rad svih zaposlenih, te materijalno i finansijski odgovorna za svu robu u prodavnici, kao i da je finansijski odgovorna za svu štetu koja nastane u prodavnici uključujući i inventurne manjkove, neredovno i neuredno provođene kontrole inventurnog stanja zaliha, koje je netačno prijavljivano tokom parcijalnih inventura, vršene neadekvatne kontrole prijema robe, neogovarajuće i neovlašteno postupalo sa robom isteklog trajanja i njenog blagovremenog rješavanja kroz povrat dobavljačima ili otpisom, blagajničko poslovanje obavljalo nepoštovanjem procedure P-SIK/KZ-010 kojom prilikom nije uspostavljena evidencija u pogledu primopredaje blagajne za svaku smjenu uz nepoštovanje adekvatnog načina storniranja računa od strane blagajnika, pa je usled toga nastupila šteta preduzeću „Konzum“ d.o.o. Sarajevo u ukupnom iznosu od 50.715,19KM i to 44,078,45KM na ime utvrđenog manjka robe i 6.636,74 KM na ime poreza na dodatnu vrijednost.

dakle, kao odgovorno lice u Brčko distriktu povredom propisa i opšteg akta te propuštanjem dužnosti nadzora očigledno nesavjesno postupila pa je zbog toga nastupila imovinska šteta koja prelazi 10.000,00KM

čime je počinila krivično djelo -Nesavjestan rad u službi - iz člana 381.stav (2) Krivičnog zakona Brčko distrikta BiH.

Preduzimanje radnji krivičnog gonjenja prema određenoj osobi ne znači da je ta osoba zaista i odgovorna za počinjenje krivičnog djela. Prema principu presumpcije nevinosti, svako se smatra nevinim za krivično djelo dok se pravosnažnom presudom ne utvrdi njegova krivica
